

Танловга: Нафсингга айт...

15:53 / 19.04.2017 5153

Нафсингга айт эй муқтадий, ўзини тийсин.

Унга фалон, фалонни олиб бераман.

Тилингга ҳам айт, ширин сўзласин.

Ошига навотлар солиб, бераман.

Кўзингга ҳам айт мўраламасин,

Ўзим ҳалол ила қувонтираман.

Жиғилдонинг ҳам бўраламасин,

Уни ҳам бир амаллаб, овунтираман.

Ҳаёлларингга айт узоқлашмасин,

Ҳақ ғояларни топиб бераман.

Ҳамма муаммога ўралашмасин,

Кўпида биттасини ёпиб бераман.

Юрагингга айт вақтида урсин,

Ахир мен шу учун тирик юраман.

Тўхтаса магар саждада тўхтат,

Майли мен озгина кутиб тураман.

Қўлларингга айт тўғри бўлсинлар,

Ўғри бўлсалар ўзим кесаман.
Оёғингга айт равон юрсинлар,
Бўлмаса тош қўйиб роса эзаман.

Нафсингга айт... таъкидла шуни,
Аллоҳ ва расулига бошини эгсин.
Амайлаб бу дунёни ўтиб олайлик,
Шунда бошинг осмонга бемалол тегсин.

Музаффар Муҳаммадзода.